

西北史地文獻
第五卷

中國西北文獻叢書



中國西北文獻叢書·第三輯

西北史地文獻

第五卷



御製親征平定朔漠方略序
朕祇承

天眷懋紹

祖宗丕基爲億兆生民主薄海
內外皆吾赤子雖越在邊徼
荒服之地尙有一隅之弗寧
一夫之弗獲不忍忽然視也

御製方略序

西北塞外喀爾喀七旗與厄
魯特四部落並號雄藩同奉
職貢非一日矣不意有厄魯
特噶爾丹者賦性凶殘中懷
狡詐戕害其兄弟兼并四部
蠶食鄰封其勢日張其志益
侈朕初聞厄魯特與喀爾喀

交惡隨遣親近大臣頒賞賚
以和解之迨其後興兵構怨
又命大臣曉譬利害諭令息
爭乃噶爾丹抗旨狂逞致喀
爾喀爲所潰敗叩關乞援朕
收撫之置諸邊內資給餼牽
始皆得所而噶爾丹猶脩郅

御製方略序

二

如故所在侵陵忽闌入我烏
闐布通之地朕授鉞親王大
臣問罪聲討大師克捷未卽
殄除時賊倉皇宵遁深懼我
軍之窮追投牒指誓因而釋
之假使噶爾丹能自此悔禍
改圖則雖至今存可也夫何

轉瞬渝盟包藏不軌窺伺我
斥埃搖惑我外藩潛敝我納
木扎爾陀音肆虐不止朕深
念此寇斷宜速滅于是整飭
士馬備峙糧糗決策親征而
賊之踪跡飄忽無常又慮其
兵至遠颺兵退復入乃授密

御製方略序

三

畫於科爾沁王沙津令其遣
使誘賊約至近地旋調發盛
京諸路軍禦東路分遣一軍
截西路朕躬統六師從中路
入比行近賊巢噶爾丹不敢
抗我顏行聞風奔竄朕遂親
率前鋒軍併日追擊賊窮蹙

已極盡棄其子女輜重而遁
會與我西路師遇大敗其軍
噶爾丹僅以數人跳身走嗣
是朕再駕而至鄂爾多斯三
駕而至狼居胥山麓宣威布
惠兼用互施招徠其黨羽遏
絕其歸路其寨桑等接踵嚮

御製方略序

四

附其子復爲我擒賊自料勢
不能追遂爾仰藥授首所親
信丹濟喇等亦相繼乞降二
十餘年狡悍陸梁之勁寇曾
不二載悉皆草薶禽獮而大
業克就矣夫烈焰弗戢必將
燎原積寇一日不除則疆圉

一日不靖方親征之初舉也
在廷諸臣多持異議徃于目
前之計者謂克鋒挫衄無足
深憂憚于征繕之煩者謂大
漠遊魂難以就縛不知除惡
務盡制勝在謀歷觀漢唐宋
之已事往往罷敝中國之力

御製方略序

五

而不能成廓清邊塞之功良
由經理失宜而殲鋤之不早
也朕旣遠鑒前轍復追維烏
闌布通之失故不避寒暑艱
辛親蒞窮邊三勤薄伐惟是
逆形已著然後徂征怙惡不
悛然後摻討身先士卒則櫛

風沐雨而人皆忘勞指畫軍
儲則轉饟饋師而人爭用命
茂草茁于荒磧流泉溢于沙
陀萬里經行安如枕席非微
神佑曷繇臻此易曰天之所
助者順也人之所助者信也
朕仰憑天道俯愜人情以萬

御製方略序

六

不得已而用兵之意乘刻不
容緩而滅寇之機立拯邊境
之毒痛永底中原于清晏昭
告

郊

廟適契成謀使非慮出萬全可
輕言師旅哉茲前後用兵本

末具載卷中覽是編者尙克
喻朕心焉
康熙四十七年七月初九日

御製方略序

七

親征平定朔漠方畧目錄

第一卷

康熙十六年六月至十八年十月

第二卷

康熙十九年二月至二十二年十一月

第三卷

康熙二十三年二月至二十五年十一月

第四卷

康熙二十六年正月至二十七年八月

第五卷

康熙二十七年九月至二十八年十二月

第六卷

康熙二十九年正月至六月

第七卷

親征平定朔漠方畧目錄

一

康熙二十九年七月

第八卷

康熙二十九年八月至十二月

第九卷

康熙三十年正月至四月

第十卷

康熙三十年五月至六月

第十一卷

康熙三十年七月至十二月

第十二卷

康熙三十一年二月至十二月

第十三卷

康熙三十二年二月至十二月

第十四卷

親征平定朔漠方畧目錄

二

康熙三十三年正月至十一月

第十五卷

康熙三十四年正月至七月

第十六卷

康熙三十四年八月至十月

第十七卷

康熙三十四年十一月

第十八卷

康熙三十四年十二月

第十九卷

康熙三十五年正月

第二十卷

康熙三十五年二月

第二十一卷

親征平定朔漢方略目錄

三

康熙三十五年三月

第二十二卷

康熙三十五年四月

第二十三卷

康熙三十五年五月初一至初十日

第二十四卷

康熙三十五年五月十一至十七日

第二十五卷

康熙三十五年五月十八至二十九日

第二十六卷

康熙三十五年六月

親征平定朔漢方略目錄

四

進

方略表

光祿大夫吏部尙書文華殿大學士加四級

臣溫達等誠惶誠恐稽首頓首

上言伏以

皇猷赫赫濯震神武于遐荒

廟略昭宣勒鴻文于方冊

親征平定朔漢方畧表

功德居百王之冠

典謨垂奕葉之型爰事編摩丕彰盛美

臣等誠惶

誠恐稽首頓首上言竊惟聲教暨訖禹服被

于流沙光烈覲揚周疆覃于海表粵攷歷朝

之土宇無踰

昭代之提封環塞舊藩則碁布星羅世共屏翰遠

人新附則重趼屢譯爭効享王如兩儀覆載

無私譬二曜照臨常煥惟厄魯特地居僻遠

而噶爾丹性秉貪殘修郊鄰邦致喀爾喀之

叩關赴愬闖入邊境越克魯倫而逼處潛窺

虐我使臣擾我尉候急則詭誓緩復淪盟若

逞煽誘之克謀必貽動搖之後患故羣謀未

遠謂小醜不足深憂而屢諭弗悛非攘外何

以安內欽惟

親征平定朔漢方畧表

皇帝陛下

至仁撫世

大勇安民念茲狂肆邊沙亟宜恭行天罰神明內

斷決策親征料敵出師功期成于一怒籌兵

轉餉動悉計其萬全用是

三駕漢庭遠臨窮塞躬披甲冑殫分餐併食之艱

屢歷暑寒備沐雨櫛風之瘁是以天地助順

山川効靈草苗不毛泉流澗谷乘長風而渡
瀚海追軼寇而絕天山膏在目中狐鼠殲于
一旦恩施度外羽黨就我三驅迨至元克骨
肆于藁街遺孽頸羈于長組而妖氛永靖荒
裔救寧因之青海來庭哈密獻寶直通西藏
咸嚮中朝允矣臣漢唐宋所未臣之人而關
夏商周所未闢之土也凡茲偉畧悉運

親征平定朔漢方略表

三

宸衷豈徒叛造之庸功實作昇平之寶鑑仰承

俞旨特命纂修官以臣溫達臣張玉書臣陳廷敬臣

李光地為總裁官臣二格臣金寶臣凌紹雯

為副總裁官臣覺霍拓臣能吉圖臣海清臣

栢壽臣華善臣李樹德臣趙世綸臣王奕清

臣黃龍眉臣廖廣謨臣王誥臣李周望為纂

修官開館校讐分年撰輯時日道里之必晰

招徠攻剿之必詳稿屢易而後成編歲幾更
而告歲事咸經

御筆之裁定復蒙

製序于簡端滿漢文各一百零二卷繕寫進

呈臣等或久叨班列或曾與戎行幸席鈐槩之司

獲究始終之跡分條晰縷曾未測乎

高深據事直書庶免識于挂漏伏願

親征平定朔漢方略表

四

太和翔溢

淳化殷流

遠至通安四海咸熙于輯繁

光前裕後萬年載戢夫臣等無任瞻

天仰

聖激切屏營之至謹奉

表隨

進以

開

總裁

吏部尚書文華殿大學士加四級 臣溫達

戶部尚書文華殿大學士加五級 臣張玉書

吏部尚書文淵閣大學士加三級 臣陳廷敬

吏部尚書文淵閣大學士加二級 臣李光地

副總裁

經筵講官禮部右侍郎詹事府詹事加二級 臣二格

日講官起居注翰林院侍讀學士 臣凌紹雯

纂修滿漢文

內閣侍讀學士 臣覺霍拓

戶部員外郎 臣能吉圖

內閣侍讀 臣海清

親征平定朔靈方略表

五

內閣侍讀加一級 臣栢壽

內閣侍讀加一級 臣華善

正黃旗漢軍叅領兼佐領加一級 臣李樹德

鑲紅旗漢軍佐領加六級 臣趙世綸

司經局洗馬兼翰林院修撰 臣王奕清

左春坊左中允兼翰林院編修 臣黃龍眉

翰林院編修 臣廖廣謨

翰林院編修 臣王誥

翰林院檢討 臣李周望

收掌

內閣中書 臣趙勒

內閣中書 臣張振偉

翰林院典籍簿 臣達爾福

翰林院孔目加一級 臣對喀納

親征平定朔靈方略表

六

翻譯

內閣中書臣馬賽

內閣中書臣阿金泰

翰林院七品筆帖式臣吳爾齊海

翰林院七品筆帖式臣馬爾賽

翰林院八品筆帖式臣常凌

翰林院八品筆帖式臣齊賓

觀在平定廟漢字書表

七

翰林院八品筆帖式臣郭毓麟

膳錄滿文

內閣中書臣齊世

內閣中書臣雅圖

內閣中書臣佟泰

內閣中書臣福海

內閣中書臣三保佐

四

內閣中書臣董阿賴

內閣中書臣常額

內閣中書臣栢壽

翰林院八品筆帖式臣禪文

翰林院八品筆帖式臣巴德保

翰林院八品筆帖式臣常佐

翰林院筆帖式臣蘇成

觀在平定廟漢字書表

八

翰林院筆帖式臣圖克坦

膳錄漢文

內閣中書臣李恒姚

內閣中書臣董哲

內閣中書臣王道炘

內閣中書臣金璞

內閣中書臣王鳳孫

監	監	副	監	監	監	監	監	監	監	內閣	內閣	內閣
生	生	貢	生	生	生	生	生	生	生	中書	中書	中書
臣王學異	臣蔣琰	臣黃廷鉅	臣袁袍	臣方承源	臣朱廷鳳	臣董紹美	臣李湏	臣金琦	臣耿國翰	臣倪璠	臣顧煒	臣閻詠

監	監	監	監	監	貢	監	監	監	監	監	監	監
生	生	生	生	生	生	生	生	生	生	生	生	生
臣顧炳	臣顧煒	臣于沛	臣俞時懋	臣李孔嘉	臣全朱芝	臣王國棟	臣朱懋熹	臣魏弘道	臣袁廣譽	臣唐秉葵	臣林世俊	臣朱嗣芳

親征平定朔漠方略卷之一

欽惟

皇上統御萬邦爲中外生民主。文德誕敷。武功丕顯。仁育義正。久道化成。聲教訖乎遐荒。太和洽於宇宙。比自削平三逆。十數年來。定臺灣海外之區。郡邑其地。翦西北塞。察哈爾部落。平羅刹。來俄羅斯之貢。收服七旗喀爾喀數十

親征平定朔漠方略卷之一

一

萬衆而臣屬之。東西朔南。車書四達。薄海內外。無一不臣之民。不服之國矣。獨厄魯特噶爾丹。窮奇醜類。梗化陸梁。恃其險遠。荒忽習於戰鬪。積二十餘年之狡寇。侵嚙迤西諸國。城堡殆盡。其地斥磽。縣邈不水不毛。絕漠窮沙。非可以疆里計也。其人兇鷙桀驁。無禮無義。滅理亂倫。非可以恩信孚也。飽颺饑嘯。遷

徙不常。蠶食隣封。饕餮無厭。爰與我屬部之喀爾喀構難。侵掠其牲畜人民土地。擾害邊氓。志驕氣溢。我

皇上仁同天地。不忍加兵。

勅諭屢頒。俾其輯睦。迺怙終不悛。讐殺無已。且闌入內地。重我藩服之不寧。於是遣將出師。于烏闐布通大張

親征平定朔漠方略卷之一

二

天討。是時噶爾丹脫能悔禍歸誠。

皇上猶許以進貢市。易養生如常。乃賊計不出此。大創之後。猶收其餘黨。侵我邊陲。窺我斥堠。

聖心惻然。軫念塞外生靈。謂此寇一日不除。疆宇一

日不靖。中原之轉輸供億。未有已時。三十五

年春

皇上決策親征。統貔貅百萬之師。遠度瀚海。疾馳深

入直抵拖諾之境。白旄黃鉞。霆擊颺飛。逆寇震懾。

天威抱頭宵遁。奔命於巴顏烏喇。而西路諸將領先已仰藉。

指授。遏賊歸途。奮擊於昭木多。大敗之。獲其駝馬牛羊。甲仗糗糧輜重之物無算。逆賊脫身挺險。暫緩須臾。而我

親征平定朔漢方略卷之一

三

皇上一怒安民計必滅此而後朝食。是年冬。

駕復幸塞外。濟河至鄂爾多斯。籌畫邊機。訓練兵士。賊遣其渠帥丹濟拉率衆襲我餘糧。爲官軍覺。擊走之。困敗無所得食。逆屬之頭目寨桑人等相率來歸。悉厚加恩養。授以官爵。於是羽黨離心。脅從悔罪。賊益窘迫就斃。遣其格魯古英賁奏搖尾乞降。爲緩兵逃死計。而

我

皇上明燭幾先。逆知此賊之譎詐不信。仍令大軍駐牧邊境。以俟春和。捲甲長驅。搗其巢穴。務使根株盡絕。毋令萌蘖復生。三十六年二月。

駕發京師。由雲中抵寧夏。分命諸路大將。募布星羅。調集蕃兵。運籌饋餉。指示撲勦。搜捕之宜。營壘部伍。坐作進退之法。戈鋌耀日。旌旗蔽

親征平定朔漢方略卷之一

四

天

萬乘臨戎。風雲變色。於四月朔庚戌。進次於狼居胥

山。時哈密遵

諭旨。生擒逆子塞卜騰巴爾珠兒。傳送

行在。由是丹濟拉及阿拉卜灘丹津溫卜等爲賊素所親信。罔不瓦解。四竄逆賊危巢旣覆。托足無門。兇黨盡除。乞援無路。自知罪惡貫盈。

難延晷刻之生。遂自仰藥絕吭而死。厄魯特

種類悉皆歸順。無復遺孽。從此朔漠永清。邊

方大定。爰振旅還京。凱旋飲至。

命所司詳察典禮。擇日祭告。

天地

宗廟

社稷

聖祖定朔漢方略卷之一

五

頒詔肆赦。慶典舉行。減澤滂流。神人胥悅。諸王貝

勒大臣。暨外藩蒙古王等。咸謂功德隆盛。曠

古所無。長治久安。與天無極。請上

尊號以懃羣心。

上謙讓弗居。於是在廷大小臣工士庶人等。咸披悃

陳請。謂

聖天子心存除暴。志切安民。雖萬里遙荒。異類吞并。

猶欲怙冒而矜全之。至不得已而用兵。而饋

餉不煩於里閭。賦稅不加於常額。師徒不疲

於徵發。玉石不至於俱焚。

大駕親征。殊方底定。櫛風沐雨。不辭寒暑之勞。減膳

分餐。頻恤將士之苦。用能剪除強寇。綏輯遠

藩。邊徼爲耕牧之區。寰宇享昇平之福。萬姓

同心恭上

聖祖平定朔漢方略卷之一

六

尊號。

天高聽卑。冀從民願。搏頽呼籲。至再至三。

上終未之聽許。御史臣阮爾詢疏言。

皇上親統六師。宣威制勝。摧枯拉朽。電捲星馳。自

出蹕以迄

回鑾。往還三閱月。而大功底定。一切用兵方略。

出自

宸衷咸宜詳示史臣令其纂輯成書光昭萬禩疏入

下禮部翰林院集議禮部尚書臣佛倫等謹

議。

皇上蕩平逆寇邊塵永靖率土同歡。

奇勲冠乎百王。

偉略超乎千古。自夫運籌帷幄以及

躬歷遐荒分布諸路之兵獨握中權之要一切糧餉

親征平定朔漢方略卷之七

七

之轉輸師徒之簡閱以及奇正分合之勢步

伐止齊之方定韜略於幾先指山川於掌上

鉅細遠邇靡事不周激勵拊循無微不至凡

此

神功之迅速皆由

廟算之萬全允宜勒成一書昭垂億世其設局編纂

事宜臣侯閣詳議以請內閣大學士伊桑阿

等奏言。

皇上親臨朔漠勦滅兇頑念切乎除暴安民事期乎

一勞永逸。

宸謨獨斷議絕旁撓。

睿鑒周詳動無遺策凡決機制勝之要調遣策應之

方期會遲速之程征行駐劄之地無不仰煩

天授上厘

親征平定朔漢方略卷之八

八

聖衷至於更番斥堠設伏偵探相水草之利籌輸輓

之宜指畫情形至精至備灼知理勢萬舉萬

全用能迅奏

膚功丕揚

神武往返一百日之內馳驅五千里而遙

勲高乎虞帝之征苗

德邁乎夏王之滅扈凡有歷年用兵方略一切